

UNIVERZITET U TUZLI
Broj: 01-118-JN-10/22 LOT 2
Tuzla, 09.01.2023. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-118-JN-9/22 LOT 2 od 27.12.2022. godine, po punomoći Rektorice Univerziteta u Tuzli broj: 01-2593-1/20 od 11.06.2020. godine, Direktor za ekonomske poslove, *donio je*

ODLUKU O IZBORU NAJPOVOLJNIJEG PONUDAČA

I

U okončanom Otvorenom postupku javne nabavke elektromaterijala za potrebe Univerziteta u Tuzli (LOT 2) sa sukcesivnom isporukom sa mogućnošću zaključenja Okvirnog sporazuma sa jednim ponuđačem za 2022 godinu, izabran je ponuđač “Elektrocentar Petek” d.o.o. Tuzla, sa ponuđenom cijenom od 14.734,00 KM bez uračunatog PDV-a, odnosno 17.238,78 KM sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji i zato što je po svim svojim elementima, uključujući i ponuđenu cijenu nakon održane E-aukcije, prihvatljiva za Univerzitet.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak javne nabavke elektromaterijala za potrebe Univerziteta u Tuzli (LOT 2) sa sukcesivnom isporukom sa mogućnošću zaključenja Okvirnog sporazuma sa jednim ponuđačem za 2022 godinu, putem Otvorenog postupka javne nabavke broj: 01-118-JN-2/22 od 05.10.2022. godine objavljenom na Portalu javnih nabavki “E-nabavke” broj: 795-1-1-91-3-120/22 od 04.11.2022. godine, “Službenom glasniku BiH” broj: 75/22 od 11.11.2022. godine, i WEB stranici Univerziteta. U ostavljenom roku ponudu su dostavila tri ponuđača “MIX-MAESTRO” d.o.o. Tuzla, “INTER-COM” d.o.o. Zenica i “Elektrocentar Petek” d.o.o. Tuzla.

Pregledom dostavljenih ponuda utvrđeno je da ponuđač „MIX-MAESTRO“ d.o.o. Tuzla u sklopu svoje ponude nije dostavio Izjavu iz člana 52. Zakona o javnim nabavkama BiH. Naime, u tački 4.1. Tenderske dokumentacije je navedeno šta ponuda treba da sadrži, a između ostalog pod tačkom 4.1. k) je navedeno da ponuda mora da sadrži „*Izjavu o ispunjenosti uslova u pogledu sukoba interesa iz člana 52. Zakona o javnim nabavkama BiH (Izjava ovjerena kod nadležnog organa sud/notar/općina i ne starija od objave Obavještenja o nabavci)*“. Ponuđač „MIX-MAESTRO“ d.o.o. Tuzla nije dostavio navedenu izjavu.

Takođe, ponuđač „MIX-MAESTRO“ d.o.o. Tuzla za stavke pod rednim brojem 1., 2. i 3. iz Specifikacije materijala navedenom u Obrascu za cijenu ponude nije ponudio materijale koji su u skladu sa traženim opisom. Naime, kod stavke pod rednim brojem 1. Je tražena „*Fluo svjetiljka 2x36w sa Vsajajnim rasterom (nadgradna)*“ ponuđač je ponudio „*greentech panel 42W 120X30 sa okvirnom*“, što znači da ponuđač nije ponudio tražene fluo svjetiljke već greentech panele, koje su u stvari led svjetiljke koje imaju drugi princip rada, drugu jačinu, drugi izgled i dr. Isto tako i kod svjetiljke pod rednim brojem 2. Je tražena „*Fluo svjetiljka 4x18 W sa sjajnim V rasterom (nadgradna)*“, a ponuđač je ponudio „*green tech panel 42W 60x60 sa okvirom*“, što znači da ponuđač nije ponudio tražene fluo svjetiljke već greentech panele, koje imaju drugi princip rada, drugu jačinu, izgled itd. Kod stavke pod rednim brojem 3. „*LED reflektor 100 W i min. Svjetlosnog fokusa LED modula 16500-23000 lumena. Boja temperature svjetlosti 4000 K, indeks reprodukcije boja ne manji od 70 (Ra=>70). Asimetrična svjetlost raspodjela. Trajnost LED izvora.....*“ ponuđač je ponudio „*greentech stx-100nw*“ koji ne zadovoljava traženi opis iz razloga što ima različit svjetlosni fluks, stepen mehaničke zaštite i sl.

Zbog svega navedenog, ponuda ponuđača „MIX-MAESTRO“ d.o.o. Tuzla nije formalno-pravno i tehnički ispravna ponuda, te kao takva nije išla u dalju proceduru, odbacuje se kao neprihvatljiva.

Daljim pregledom dostavljenih ponuda ponuđača „INTER-COM“ d.o.o. Zenica i „Elektrocentar Petek“ d.o.o. Tuzla, utvrđeno je da su ponuđači dostavili sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla i ponude su im tehnički prihvatljive.

Ponude kvalifikovanih ponuđača Komisija je pregledala i konstatovala da su iste prihvatljive te ih je u skladu sa uslovima postavljenim tenderskom dokumentacijom i obavještenjem, te u skladu sa Pravilnikom o uslovima i načinu korištenja e-aukcije („Službene novine BiH“ broj: 66/17) unijela u bazu e-nabavke radi provođenja e-aukcije.

Nakon uspješno okončane e-aukcije i u skladu sa Izvještajem o toku i završetku e-aukcije od 26.12.2022. godine sačinjena je slijedeća rang lista ponuda po povoljnosti:

1. „Elektrocentar Petek“ d.o.o. Tuzla,
2. „INTER-COM“ d.o.o. Zenica.

Budući da ponuda ponuđača „Elektrocentar Petek“ d.o.o. Tuzla u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponudenu cijenu Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana računajući od dana njenog prijema, na adresu dr. Tihomila Markovića br.1., 75 000 Tuzla.


Prilog: Zapisnik o pregledu i ocjeni ponuda broj:
01-118-JN-9/22 LOT 2 od 27.12.2022. godine

DOSTAVITI:

1x učesnicima

1x web

1x a/a



DIREKTOR ZA

EKONOMSKE POSLOVE

Husein Matović
Husein Matović, dipl. ecc.